

**Leeter masa
Piyer
ma wuzlala nga dey cew
Mey da ray
Leeter masa Piyer ma
wuzlala nga dey cew**

Ara Simanɗw Piyer, ndaw-meslɔrey nga Yesu Kɔriste, ma wuzlala saya. A wuzlalatarɔ ngada ndɔhay nga Yesu daa Egɔliz hay da bɛla tabiya.

A wuzlala leeter e na, maja a sɛra gweegwe cay a mɛcey. A wudɛy fa dɔba anɗa na, ndɔhay a sɛrfadamara meesɛrkedey anɗa (1.13-14). Daa nɗene, ndɔhay ma tɔba mey nga Yesu nɗeeme ga ta mɛcam sem, ama kwa Yesu ta vɔhwa daa ba arɗɗ. Da ray nɗene, ndɔhay ga ray ata fa hɛbey maja. Asaya, ndɔhay maa sɛrkada ndɔhay ta membɔrzley leɗ ndɔhay maaya ba hay ta samawa la a wuzlah ndɔhay daa Egɔliz. Aa sanɗɔram a ray ndɔhay ma ka cek ta cɔved e.

Daa fasɔlawal 1 Piyer a lɔvtar nga kam gɔdan nga nɗey daa metɔbey mey nga Gazlavay anda Gazlavay ma zɔlta. Daa fasɔlawal 2 a lɔvtar nga pam lenɗesl ta ndɔhay maa sɛrkadam mey masa fara fara ba, asaya, nga pam lenɗesl ta ndɔhay maaya ba hay. Daa fasɔlawal 3 a lɔvtar nga wam vaw fa menɗey ata, si a vɔldamara ray ata fara fara a Gazlavay maja Yesu fa da vɔhwa. Yesu a wuswa vaw fiyaw ba na, maja a wudɛy ndɔhay

a mbəɖdamara menjey ata, asaya, a wuɖey kwa ndaw pal aa zəɖey ba (3.9, 11).

Daa leeter e keɖe na, mey mekele mekele daha nga vɔley gəɖaŋ a ndəhay:

Mey da ray Gazlavay ma vɔɓndakwar cek hay cəpa nga jəɓndakwar (1.3-4)

Mey da ray ndəhay ma da tɔram nga ndəhay majaratakaya masa ta gəɖaŋ (1.5-8)

Mey da ray ɖar pal ta mevey pal, ata letek fa Gazlavay (3.8)

Mecey-har

¹ Ara yah *Simanɗw *Piyer ma wuzlalakwara leeter keɖe, yah ndaw ma ka slɔra nga *Yesu *Kɔriste, asaya, yah ndaw aŋga meslɔrey.

Leeter e keɖe ara ŋgada akwar ndəhay ma tɔba mey nga Yesu. Daa metəbey mey a na, akwar ta hətam cek maaya la anda ala. Ya tɔbkwa mey nga Yesu na, maja Yesu a vɔley cəved ŋgada kwa waawa nga ləhey, a weley ndaw ta weley ba. Yesu Kɔriste na, ara Gazlavay, ndaw ma ləhdandakwar.

² Anja *Gazlavay nga pɔskwar mey, nga njadakwar daa zazay aŋga ma fəna ma fəna maja akwar ma sɔrmara Gazlavay ta Bay aləkwa Mahura Yesu maaya maaya cay.

Ndəhay nga Gazlavay a da njam na, kwara?

³ Gazlavay ta vɔɓndakwar cek hay cəpa la ta fa gəɖaŋ aŋga amba ya njakwa macəmkaya ta aŋga, ya kakwa cek fara fara anda aa ma wuɖey. Ara Gazlavay a ma wuzdandakwara ndaw masa

ma zəlndakwar amba ya sərkwā gədan̄ an̄ga fara fara, asaya, amba ya hətkwā maaya an̄ga.

⁴ Ara ta fa gədan̄ an̄ga leŋ ta fa maaya an̄ga ha, an̄ga ma vəlndakwar cek hay maaya mahura masa aa ma ləvey a da vəldandakwara dəga zleezle heyey. Cek hay a na, maaya kalah, a fəna cek hay tabiya. A ka anda keđe na, amba ta fa cek hay a keđe na, ka ləham fa mewulkey maaya ba ma nəsa ndaw da bəla keđe. Asaya, a ka anda keđe amba ka təram ndəhay ta mevel maaya anda an̄ga. ⁵ Maja ŋgene, kam gədan̄. Daa menjey akwar na, kam cek ta cəved̄ e maja akwar ma pamara Yesu *Kəriste ŋga ndaw akwar fara fara. Da masa akwar fa kamara kəne na, kam gədan̄ saya ŋga sərey Gazlavay ta ŋga sərey cek masa aa ma wud̄ey. ⁶ Da akwar ma səm̄ara cek hay masa Gazlavay ma wud̄ey la na, maaya, ka wam vaw fa ray akwar may. Da akwar ma wam vaw la fa ray akwar na, maaya, ka bəsm̄ara banay hay tabiya may. Da akwar ma bəsm̄ara banay hay tabiya la na, maaya, ka vəldamara ray akwar fara fara a Gazlavay anda an̄ga ma wud̄ey may. ⁷ Da akwar fa vəldamara ray akwar fara fara a Gazlavay na, maaya, ka wud̄am vaw da wuzlah akwar anda məlman̄ hay may. Da akwar fa wud̄am vaw da wuzlah akwar na, maaya, ka wud̄mata ndəhay mekele hay may. ⁸ Da akwar fa kamata cek hay a keđe ma fəna ma fəna na, ŋgene, ka təram ndəhay masa ta gədan̄ ma ka cek maaya la. Anda keđe,

1:3 1.3 1.16-17; Ef 1.3 **1:4** 1.4 Rm 5.2; Jak 1.14-15 **1:5** 1.5-6
Tit 2.11-12 **1:6** 1.6 Gal 5.22-23 **1:7** 1.7 Gal 6.10

¹⁶ Ahaw, zleezle, ala ta kadamakwara mey da ray masawa nga Yesu *Køriste Bay aløkwa Mahura la, ndaw masa ta gødanj. Ya kadamakwara ha na, anda ndøhay ma kam mamba saw køne ba, ama ala ta dey ala, ya ta høtmar gødanj anga la, gødanj a, aa mahura. ¹⁷ Fara fara, Gazlavay Papanj ta høslar ray la, ta slørwa mewedey la a ray a daa masa ðay nga Gazlavay Mawaca-waca ma cønwa, ma løyey: «Kede he, ara Bøzey adaw masa yah ma wuða kalah, ya faa sømey ga da ray a.» ¹⁸ Daa masa ala bama ta ata Yesu a daa ray nga angwawa nga Gazlavay na, ðay a ma cønwa da gazlavay da vadf la, ala ma cøndamara la ta slømay ala.

¹⁹ Ala ma cøndamara ðay a ngene na, ta vøldar gødanj la saya nga tøbey mey nga ndøhay ma tøla mey nga Gazlavay ma kadamara zleezle. Maaya na, ka pam lenjesl fa mey ata ha maja mey a na, anga anda petørla ma wedey daa slam-løvanj haa slam ma wurey, haa batay * ma bawa. Fa døba ha, ka da høtmatar cek hay tabiya maaya maaya. ²⁰ Ya fa løykwar, mey nga ndøhay ma tøla mey daa ðerewel nga Gazlavay zleezle na, kwa ndaw pal ma gwa nga wuzda ta gødanj anga daada na, daa ba. Kede ara mey mahura nga sørey teesedf ðagay. ²¹ Mey nga ndøhay ma tøla mey nga Gazlavay daa ðerewel e na, ara mewulkey nga ndaw-magødanj ba, ama

1:16 1.16-18 Mt 17.1-8 * **1:19** 1.19 batay: Ara «wur-
zla-bangay» ta mey Møkanj. A wudfey nga løyey Køriste. Nøka
daa CWJ 22.16.Aa guzley da ray mavøhwa nga Yesu a bøla, da daa
ba, da ray pas masa ndaw ma tøba Yesu aa mevel anga. **1:19**
1.19 Ps 119.105; Rm 1.2; 13.12; 1Pi 1.10-11

ara *Mesəfney nga Gazlavay ma vəltar gədan
nga wuzda mey ma sawa ta fa Gazlavay.

2

*Mey da ray ndəhay maa sərkada ndəhay ta
membərzley*

¹ Zleezle na, ndəhay ma pamara ray ata nga
ndəhay ma təla mey nga Gazlavay daha da
wuzlah ndəhay *Israyel hay. Ndəhay maa
sərkada ndəhay ta membərzley a samawa la
a wuzlah akwar kəne may. A da samawa na,
ngaa sərkadamakwar mey membərzley ngaa
zəddakwar. Anda keđe, a da rəsmara Bay
Mahura Yesu, ndaw ma ləhdata. Maja ngene,
Gazlavay a sərdəta banay la fiyaw, aa zəddəta
la. ² Ndəhay ga a təbmatara mey ata la, a
da kam cek malamba anda ata. Ndəhay a daa
guzlam mey maaya ba da ray cəved masa fara
fara nga Gazlavay maja ata fa kam cek malamba
anda ndəhay ma mbərzley heyey. ³ Ndəhay maa
sərkada ndəhay ta membərzley ngene na, a kam
dey fa cek nga ndəhay kalah. A fəcmakwara
cek akwar hay cəpa ta mey ata hay membərzley
ngene. Dəga zleezle Gazlavay ta dəsla sariya ata
cay. Anda keđe, a daa zəddəta fiyaw.

⁴ Ya ləvey anda keđe maja kwa maslanj hay
nga Gazlavay da vad masa ma kam mebərey
ma!, Gazlavay ta sərfatar dey-ceceh daa ba, ta
kəzlata sem aa slam mesərey banay. Fetedə,
majəwtakaya daa ləvanj ta calalaw, fa səkwmarə

1:21 1.21 2Tm 3.15-16

2:1 2.1 Mt 7.15

2:1 2.1-22 Jud 4-13

2:3 2.3 1Tm 6.5

pas masa Gazlavay ma da d̄esla sariya da ray ata. ⁵ Kwa nd̄ohay masa zleezle ma kam meb̄orey may, Gazlavay ta s̄erfatar dey-ceceh daa ba. Gazlavay ta pawa var la mahura, yam ta r̄ohda b̄ela la, b̄ela masa nd̄ohay malamba ga da hwaɗ a, yam ta h̄elta sem c̄opa. Si N̄owe, ndaw maa guzltar a nd̄ohay ŋga kam cek ta c̄oved e, ta nd̄ohay da way an̄ga hay maasala ma l̄oham gway. ⁶ Asaya, Gazlavay ta katar sariya la ŋgada nd̄ohay daa berney ŋga *Sadawm ta ŋga *Gwamar. Ta wawurta berney hay a sem ta nd̄ohay da hwaɗ a c̄opa k̄elmedek! Anda keɗe, Gazlavay fa wuzda ŋgada nd̄ohay masa malamba na, a da s̄erdata banay k̄one.

⁷ Ndaw daa berney ŋga Sadawm a daha, mez̄oley *Lut. An̄ga ndaw maaya ma ka cek ta c̄oved e. Mevel an̄ga fa cey kalah da ray nd̄ohay ma kam cek malamba. An̄ga na, Gazlavay ta l̄ohda sem daa berney a ⁸ maja an̄ga ndaw maaya. Aa manjakaya ta way da wuzlah nd̄ohay a, an̄ga fa h̄etatar cek hay malamba masa nd̄ohay a ma kamara, asaya, fa c̄enda mey hay maaya ba masa nd̄ohay a maa guzldamara. Cek hay a tabiya keɗe fa car mevel kalah mandaw mandaw maja an̄ga na, ndaw ma ka cek ta c̄oved e. ⁹ Anda keɗe, Bay Gazlavay aa ta ḡodaŋ ŋga l̄ohdata nd̄ohay masa ma namar ray. Asaya, aa ta ḡodaŋ ŋga pata nd̄ohay ma kam cek malamba ta cakay amba a s̄erdata banay ta pas masa an̄ga

2:4 2.4 1Tm 3.6; Jud 6; CWJ 20.1-3; Jud 6 **2:5** 2.5 3.6; 1Pi 3.20

2:6 2.6 MC 19.24-25; Lk 17.29; Jud 7 **2:7** 2.7 MC 19.1-16

ma da katar sariya. ¹⁰ Ma da sɛram banay kalah na, ndɛhay ma kam cek malamba saw anda vaw ata ma wufey, a tɛbmara Bay Gazlavay nga wey da ray ata ba.

Ndɛhay maa sɛrkada ndɛhay ta membɛrzley heyey na, a kam cek anda ata ma wudam, a zlapam. A zluram nga cɛdmata maslan hay nga Gazlavay daa slam-mewedey da vad* ba.

¹¹ Maslan hay nga Gazlavay da vad na, a fɛnmata ndɛhay maa sɛrkada ndɛhay ta membɛrzley heyey ta gɛdan. Ama maslan hay a fa cɛdmata ndɛhay mahura hay a fa mey nga Bay Gazlavay daa ba.

¹² Ndɛhay a na, a kam cek hay saw anda cek hay nga ley manjar lɛngesl masa makatakaya nga kɛrzey ta nga kɛdey. A cɛdam cek hay masa ata ma sɛrmara ba. Anda kedɛ, a da mɛcam saw anda cek hay nga ley.

¹³ Ta sɛrdamata banay la ta ndɛhay. Anda kedɛ, Gazlavay a da sɛrdata banay maja may. Maa sɛmdata na, ara mekey cek malamba fa mey nga ndɛhay gway, kwa taa pas. Daa masa akwar fa zɛmam cek bama, ata faa sɛmam nga batamakwar na, ara cek maaya ba, ma ka hwaray.

¹⁴ A wulkam na, si nga ley vaw saw da palah gway. Mekey mebɛrey na, a bɛltar mey ba. A batam nga key mebɛrey na, ndɛhay masa ta

2:9 2.9 Jɛw 4.7; 1Kwr 10.13; CWJ 3.10 * **2:10** 2.10 maslan hay nga Gazlavay daa slam-mewedey da vad: Ndɛhay siya a wulkam ara maslan hay nga Gazlavay, siya hay a wulkam ara maslan hay maaya ba ma rɛsmara Gazlavay zleezle. Nɛka Jud 8-10. Ndɛhay mekele a wulkam ara ndɛhay mahura hay masa da cakay Gazlavay. **2:10** 2.10 Jud 7-8 **2:11** 2.11 Jud 9 **2:12** 2.12 Jud 10 **2:13** 2.13 Jud 12

gədan pəreh daa mey nga Gazlavay. Ara ndəhay ma wudam cek mandaw mandaw na, si ngada ata gway. Ndəhay a na, Gazlavay ta nəsta sem.

¹⁵ Ta zlangadəm sem daa cəvedŋ nga Gazlavay, a lam cəvedŋ masa maaya ba anda nga ndaw mezəley Balam, bəzey nga Bawzar. Balam a na, ara ndaw zleezle ma key cek maaya ba nga hətey dala. ¹⁶ Balam a na, ara *ndaw ma təla mey nga Gazlavay. Ama Gazlavay ta mbədar ray la maja aa ma nar ray ba, haa madi-zəngwaw, cek ma gwa ngaa guzley ba ma! aa guzlar anda ndaw. Aa guzlar na, nga təkə sləra anğa maaya ba saw ngene.

¹⁷ Ndəhay maa sərkada ndəhay ta membərzley a na, ata anda wurak masa yam maa səkey sem da hwadŋ a. Asaya, ata anda gazlavay nga var masa memedŋ ma təra, ma pey var ba. Gazlavay ta diytar slam cay daa ləvan mebək-bək e. ¹⁸ Ata faa guzlam mey hay mezlepey saw kəne. A kam cek malamba saw anda ata ma wudam. Anda kedə, fa batamata ndəhay masa ma ləhmawa təlām dasi har nga ndəhay masa ma sərmara cəvedŋ nga Gazlavay ba. ¹⁹ Ndəhay maa sərkada ndəhay ta membərzley a na, a ləvmatar a ndəhay kwa waawa a da wey ray anğa. Anja ngene, ata ray ata ha na, ata beke hay nga mebərey, maja kwa cek wura wura fa wa ndaw na, ndaw aha anğa beke nga cek aha.

²⁰ Ndəhay ma səpa Yesu *Kəriste Bay aləkwa Mahura, ndaw ma ləhdandakwar na, ta ləham

2:14 2.14 Mt 5.28; 2Tm 3.6 **2:15** 2.15 Mesl 22.7, 17; Jud 11

2:16 2.16 Mesl 22.28-31 **2:17** 2.17 Jud 13 **2:19** 2.19 Jan 8.34; Rm 6.16

cay daa cek hay maaya ba cɔpa da bɔla ma nɔsa ndaw. Ama fa dɔba ha, da ndɔhay a, a mbɔkdamara ray ata nga key cek maaya ba ha cɔnga na, nge, cek aha fa wata. Anda kedɛ, menjey ata a da nɔsey ma fɔna masa ngeeme.

²¹ Ngada ata na, ngama ta sɔmara cɔved maaya nga Gazlavay kedɛ daa ba sɔlak, da ray masa ata ma sɔmara cay, a mbɔkdamara aa walaŋ, a namar ray a *mewey nga Gazlavay saba. ²² Cek aha kedɛ anga letek anda mey a daha ma lɔvey: «Gɔdey a kɔrfadɔrwa cek, fa dɔba ha, a vɔhey, a zɔma saya.» Asaya, anda mey a daha ma lɔvey: «Vetem mapɔrkaya maaya maaya na, a vɔhey, a ney aa ndɔleɓ.»

3

Mey da ray mavɔhwa nga Bay Mahura

¹ Jam adaw hay, kedɛ he ara leeter nga dey cew e masa yah ma wuzlalakwara. Daa leeter hay cewete kedɛ na, ya fa sɔrfadakwara mey masa akwar ma sɔmara cay amba ka wulkam maaya maaya da ray a. ² Ya

wudɛy na, ka sɔrfadamara mey masa ndɔhay ma tɔla mey nga Gazlavay zleezle ma wuzdamara. Asaya, sɔrfadamara mewey hay nga Bay alɔkwa Mahura, ndaw ma lɔhdandakwar. Aa guzlkwar ta mey ndɔhay anga hay meslɔrey masa anga ma slɔrdata fa akwar ngaa sɔrkadamakwara.

³ Teesɛd na, ya wudɛy ka sɔmara, masa gweegwe cay bɔla a ndɔvey na, ndɔhay ma kam

2:20 2.20 1.11; Mt 12.45 **2:21** 2.21 Lk 12.47-48 **2:22** 2.22
MM 26.11 **3:1** 3.1 1Pi 1.1 **3:2** 3.2 Jud 17

cek saw anda ata ma wudam a samawa la. A daa sanjoram a ray akwar, ⁴ a da ləvam: «Naa! Yesu a ləvey a vəhwa la, kaa aa dama dəba ama? Haa papanŋ nga papa aləkwa hay a məcam, ama ta vəhwa daa ba. Yaw, dəga nga mezley nga bəla haa wure keđe kwa cek ta mbədey daa ba.»

⁵ Ndəhay maa guzlam anda keđe na, cek pal daha ta sərfadamara daa ba tesude. Cek a na, ara Gazlavay ma ləma slam da vad ta slam da hwayak dəga zleezle ta fa mey anga masa anga maa guzlda. A ləma slam da hwayak na, ta yam. A wunkata yam ta hwiyak wal wal. ⁶ Asaya, Gazlavay a pasla bəla zleezle, a rəhda ta yam. A ka kəne na, ta fa mey anga meeguzley. ⁷ Ara ta fa mey anga meeguzley a, slam da vad ta slam da hwayak masa wure keđe a njeý haa pas masa Gazlavay ma da katar sariya ngada ndəhay ta mebərey ngaa zəfdata. Ta pas a ngene, slam da vad ta slam da hwayak a daa wurey ta awaw.

⁸ Ama jam adaw hay, cek pal daha na, si ka sərfadamara. Sərmara, fa Bay Gazlavay na, đar pal anda mevey gabal, mevey gabal may anda đar pal. ⁹ Ndəhay siya a wulkam cek masa Bay Gazlavay ma ləvey a ka la heyey na, a wusey vaw nga ka ba. Ara kəne ba. Anga fa səkwakwar ta dək-vaw maja a wudey kwa ndaw pal aa zədey ba. Ama a wudey na, kwa waawa a mbəfda menjeý anga, a mbəkda mekey mebərey.

¹⁰ Pas masa Bay Mahura ma da vəhwa na, a

3:3 3.3 Jud 18; 2Tm 3.1 **3:4** 3.4 Jer 17.15; Ez 12.22; Mt 24.27, 48-51 **3:5** 3.5 MC 1.6-9; Heb 11.3 **3:6** 3.6 2.5; MC 7.11-21; Mt 24.37-39 **3:8** 3.8 Ps 90.4 **3:9** 3.9 3.15; 1Tm 2.4

da sawa dərfaḡay, anda ndaw-mayal. Ta pas a ḡgene, ndəhay a da cənam cek ma rəvey ta gədaḡ. Daa ḡgene, slam da vad a da yeyihey. Awaw a da wawurta cek hay da gazlavay da vad tabiya. Asaya, bəla ta cek hay da hwaḡ a cəpa a da yeyihey* . ¹¹ Da cek hay a tabiya a daa zəḡam anda keḡe na, maaya menjey akwar a mbafar a Gazlavay. Si ka vəldamara ray akwar fara fara a Gazlavay anda aḡga ma wuḡey, ka səpmara Gazlavay a ta cəveḡ e. ¹² Akwar na, fa səkwmara pas masa Gazlavay ma da sawa ḡga kar sariya a bəla. Anda keḡe, kam cek ta gədaḡ akwar cəpa amba ḡar a, a wuswa fiyaw fiyaw. Ta pas a ḡgene, slam da vad a da wewurey, aa yihey cəpa, awaw a da wawurta cek hay da gazlavay da vad tabiya. ¹³ Gazlavay ta ləvndakwar la a da vəlndakwar slam da vad ta slam da hwayak mekele mawiya masa cek hay cəpa da hwaḡ a, a da key ta cəveḡ e. Keḡe he ara cek masa aləkwa ma səkwakwa.

¹⁴ Ara maja ḡgene, jam aḡaw hay, ya fa ləvkwar, daa masa akwar fa səkwmara ḡar a ḡgene na, kam gədaḡ amba ka njam akwar ndəhay manjar mebərey, ndəhay maaya fa mey ḡga Gazlavay, asaya, amba ka njam daa zazay ta aḡga. ¹⁵ Sərmara dəba taw, Bay aləkwa Mahura Yesu *Kəriste na, fa səkwakwar ta dək-vaw, ta vəhwa fiyaw daa ba, maja a wuḡey ndəhay tabiya a mbəḡdamara menjey ata amba a ləham

* **3:10** 3.10 a da yeyihey: Ndəhay siya a wulkam mey Gərek a ləvey: «bəla ta cek hay da hwaḡ a cəpa na, Gazlavay a da katar sariya.» **3:10** 3.10 1Tes 5.1-2; 1Pi 4.7 **3:12** 3.12-13 Iz 60.21; 1Kwr 6.9; CWJ 21.1, 27

daa mebörey. Kede he ara cek masa mөлma aləkwa Pawl, ndaw masa aləkwa ma wudkwa kalah, ma wuzlalakwara daa leeter anğa hay. A wuzlalakwara na, ta lengesl masa Gazlavay ma vөldara. ¹⁶ Daa leeter hay masa aa ma wuzlalata cөpa na, da aa faa guzley da ray mey a kede na, aa guzley letek kөne. Daa leeter anğa hay a na, mey hay ta banay daha nğa cөney. Anda kede, ndөhay marөzltakaya leñ ndөhay ma sөra cek maaya maaya ba na, a mbөddamara mey a wal, a wuzdamara ta cөved e ba, anda ata ma wuzdamara mey hay mekele daa dөrewel nğa Gazlavay ta cөved e ba may. Ara anda kede, ata ma handamawa mey a ray ata nğaa zөddata.

Mey nğa madagway-dakw

¹⁷ Jam adaw hay, akwar na, ka sөrmara, ala ma pamakwar lengesl cay da ray cek hay a. Da ray ngene, wam vaw fa ndөhay ma nөsa mey nğa Gazlavay. Ka da vөlmatar cөved nğa batamakwar ba. Da daa ba na, a da zlangadadamakwar daa cөved masa akwar majaratakaya da hwad a ngene †. ¹⁸ Ama sөpmara Yesu *Kөriste Bay aləkwa Mahura, ndaw ma lөhdandakwar, anda akwar ma kamara mandaw mandaw, amba a slөrwa maaya anğa a ray akwar ma fөna ma fөna, asaya, amba ka sөrmara Yesu a ma fөna ma fөna. Anja ndөhay nğa hөlmamara dөga wure kede haa nğa sөrmataw. [*Amen.]

3:15 3.15 3.9; Rm 2.4 † **3:17** 3.17 cөved masa akwar majaratakaya da hwad a ngene: A wudfey nğaa guzley da ray metөbey-mey ata. **3:17** 3.17 Mk 13.5; 1Kwr 10.12; 1Pi 4.7
3:17 3.17-18 Jud 24-25 **3:18** 3.18 1.11

Mejəwey-mey Mawiya
Mofu-Gudur: Mejəwey-mey Mawiya New Testament
Le Nouveau Testament en langue Mofu-Gudur
(Cameroun)

copyright © 2007 Wycliffe Bible Translators, Inc.

Language: (Mofu-Gudur)

Contributor: Aramaic Bible Translation, Inc.

All rights reserved.

2020-11-19

PDF generated using Haiola and XeLaTeX on 21 Feb 2024 from source
files dated 29 Jan 2022

2b021919-36cf-59da-a35f-10c5e5548811